

IGNITE 1

A passion for change 2019

We are so lucky!!

Inleiding (welcome)

Vertel eers vir mekaar van julle vakansies. Hoe en waar en saam met wie het julle Kersfees gevier en die Nuwe jaar?

Watter goeie ervarings en watter minder goeie ervarings het julle gehad?

Agtergrond (word a)

As Jesus sy bediening op aarde begin is dit met die woorde:

“Bekeer julle want die koninkryk van God het naby gekom.” – Matteus 4:17

Of anders gestel:

“Daar is ‘n ander manier waarop jy kan leef wat in jou en die mense rondom jou en die wêreld waarin jy leef ‘n baie groter en dieper verskil gaan maak... maar dit gaan van jou vra om heeltemal te verander.”

In die Bergpredikasie gee Jesus vir ons duidelike riglyne of beginsels waarop hierdie nuwe koninkryk gebou is. Ons ken dit. Ons lees dit baie gereeld maar ongelukkig leef ons dit nie altyd nie en juis daarom is vir ons die uitdaging om hiervolgens te begin leef.

‘n Paar vrae om die gesprek aan die gang te kry:

- ➔ As jy dink aan “gelukkig wees” watter woorde kom dadelik by jou op? Maak ‘n lys van hierdie woorde

Skriflesing: Lees Matteus 5:1-16 (word b)

- ➔ Jesus sê hier dat daar **ander sake is wat mense gelukkig of geseënd laat wees**. Lees weer verse 4-11. Hoe verskil dit van die lys wat julle hierbo gemaak het?

(Vir leiers: lees doelbewus NIE vers 3 nie, dit word later hanteer)

- ➔ **Jesus keer die manier hoe ons oor die lewe dink op sy kop** en dit is geweldig belangrik dat ons moet begin verstaan dat dit juis hierdie teenoorgestelde manier van dink oor die lewe is wat geloof dieper betekenis gee.

Lees weer elke vers (verse 4-11) en praat oor hoe dit kan lei tot ‘n ander soort geluk of geseënd-wees of hoe dit ‘n ander ingesteldheid by ons wil kweek hieroor.

- **Vers 4 – treur**
- **Vers 5 – sagmoedig**
- **Vers 6 – honger en dors na wat reg is**
- **Vers 7 – barmhartigheid**

- **Vers 8 – rein van hart**
- **Vers 9 – vredemakers**
- **Vers 10 – vervolg word**
- **Vers 11 – beledig, sleg sê**

- ☞ As ons baie eerlik is, dan is dit nie altyd maklik om hierdie teenoorgestelde gedrag aan te leer nie. ons kry dit nie maklik reg nie. **Hoe kan vers 3 ons hiermee help?**

Vir leiers: Ons gaan dit nooit regkry om in ons eie krag anders te leef of te verander nie. Onthou die sleutel is dat God ons wil help om hierdie ander gesindheid te ontwikkel, te groei in ons lewens.

- ☞ Hierdie lys van eienskappe is egter nie net afhanklik van ons pogings nie. Ons vergeet soms dat God ongelooflike beloftes aan elkeen koppel. Lees weer deur elke saligspreking (**v 3-11**) en onderstreep **God se belofte** wat Hy aan elkeen koppel. Wat belooft die Here vir jou met elkeen?

- **Vers 3**
- **Vers 4**
- **Vers 5**
- **Vers 6**
- **Vers 7**
- **Vers 8**
- **Vers 9**
- **Vers 10**
- **Vers 11**

Ons uitdaging is: (works)

Ons ken hierdie gedeelte baie goed en ons is nie eintlik so nie.

- i. Wat kan jy hierdie week doen om meer so te wees?
- ii. Wees eerlik oor waarmee jy die meeste sukkel – wat vir jou die moeilikste is.

Ons bid vir: (worship)

1. Noem een saak uit hierdie gedeelte wat jy geleer het en wat jou die meeste challenge en vra die groep om vir jou daarvoor te bid.
2. Bid vir die uitdagings van hierdie nuwe jaar
3. Dank die Here vir sy beloftes in hierdie gedeelte.